

O‘ZBEKISTON TARIXI

1. Amir Temur davlatining poytaxti bo‘lgan shaharni toping.

- A) **Samarqand** B) *Buxoro* C) *Kesh*
D) *Shosh*

Test topshirig‘i O‘zbekiston tarixining o‘rta asrlar davriga oid. Amir Temur 1370-yil iyul oyida Samarqandda katta qurultoy chaqiradi. Qurultoyda markaziy davlat tizimini shakllantirish va qo‘shin tuzish masalalari muhokama etiladi. Samarqand davlat poytaxti deb e‘lon qilindi.

To‘g‘ri javob: A

Manba: A.Muhammadjonov. O‘zbekiston tarixi 7-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent–2017. (115-bet)

2. XIV asrda Chig‘atoy xonlaridan kim birinchi bo‘lib o‘z qarorgohini Movarounnahrda ko‘chirgan?

- A) **Kebek** B) *Munke*
C) *Tug‘luq Temur* D) *Abulxayrxon*

Test topshirig‘i O‘zbekiston tarixining o‘rta asrlar davriga oid. Kebekxon mo‘g‘ul hukmdorlari orasida birinchi bo‘lib o‘z qarorgohini Movarounnahrda ko‘chirgan.

To‘g‘ri javob: A

Manba: A.Muhammadjonov. O‘zbekiston tarixi 7-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent–2017. (86-bet)

3. O‘zbekiston hududidagi qaysi manzilgohda ilk shahar alomatlari ko‘zga tashlanadi?

- A) **Jarqo‘ton** B) *Obishir* C) *Selengur*
D) *Ko‘lbuloq*

Test topshirig‘i O‘zbekiston tarixining qadimgi davriga oid. Surxon vohasida (hozirgi Sheroboddan uncha uzoq bo‘lmagan joy) Jarqo‘ton manzilgohi vujudga kelgan. Jarqo‘ton qurilishi tarixida ilk shahar alomatlari ko‘zga tashlanadi.

To‘g‘ri javob: A

Manba: A.S.Sagdullayev, V.A.Kostetskiy Qadimgi dunyo tarixi 6-sinf darsligi. "Yangiyo‘l Poligraf Servis" nashriyoti. Toshkent–2017. (77-bet)

4. Rus podshosi Ivan IV bilan elchilik aloqalarini o‘rnatgan Buxoro xonini toping.

- A) **Abdullaxon II** B) *Ko‘chkunchixon*
C) *Ubaydullaxon* D) *Imomqulixon*

Test topshirig‘i O‘zbekiston tarixining XVI-XIX asr o‘rtalarigacha bo‘lgan davriga oid. Buxoro xoni Abdullaxon II o‘z davlatining siyosiy ahvolini mustahkamlash maqsadida podsho Ivan IV bilan aloqalar olib borgan.

To‘g‘ri javob: A

Manba: U.Jo‘rayev, Q.Usmonov, G.Jo‘rayeva, N.Norqulov. O‘zbekiston tarixi 8-sinf darsligi. "O‘qituvchi" nashriyot-matbaa ijodiy uyi. Toshkent–2019. (38-39-betlar)

5. Toshkent shahri kim boshchiligidagi podsho Rossiyasi qo‘shinlari tomonidan egallangan? (1865-yil)

- A) **M.Chernyayev** B) *M.Skobelev*
C) *F.Romanovskiy* D) *fon Kaufman*

Test topshirig‘i O‘zbekiston tarixining XIX asr ikkinchi yarmi – XX asr boshlarigacha bo‘lgan davriga oid. Toshkent shahri 1865-yilda M.Chernyayev boshchiligidagi Rossiya qo‘shinlari tomonidan egallangan.

To‘g‘ri javob: A

Manba: S.Tillaboyev, A.Zamonov. O‘zbekiston tarixi 9-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent–2019. (25-bet)

6. Rossiya imperiyasi tarkibidagi Turkiston general-gubernatorligi nechanchi yilda tashkil etilgan?

- A) **1867-yilda** B) *1875-yilda*
C) *1856-yilda* D) *1881-yilda*

Test topshirig‘i O‘zbekiston tarixining XIX asr ikkinchi yarmi – XX asr boshlarigacha bo‘lgan davriga oid. 1867-yilda Rossiya tomonidan bosib olingan hududlarni o‘z ichiga oluvchi Turkiston general-gubernatorligi tashkil etilgan.

To‘g‘ri javob: A

Manba: S.Tillaboyev, A.Zamonov. O‘zbekiston tarixi 9-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent–2019. (27-bet)

7. Sovetlar boshqaruvi davrida o'zbek xotin-qizlarini ozodlikka chiqarish jarayoni qanday nom ostida o'tkazilgan?

- A) "Hujum" harakati
 B) "Bosmachilik" harakati
 C) "Ozodlik" harakati
 D) "Kolxozchilar" harakati

Test topshirig'i O'zbekiston tarixining 1917-1991-yillar davriga oid. O'zbekistonda xotin-qizlarni ozodlikka chiqarish jarayoni "Hujum" harakati nomini olgan.

To'g'ri javob: A

Manba: Q.Rajabov, A.Zamonov.

O'zbekiston tarixi 10-sinf darsligi. "G'afur G'ulom" nomidagi nashriyot-matbaa uyi. Toshkent—2017. (71-bet)

8. 1993-yilda O'zbekiston qaysi xalqaro tashkilotga a'zo bo'lgan?

- A) **YuNESKO** B) *ShHT* C) *MDH*
 D) *BMT*

Test topshirig'i O'zbekiston tarixining mustaqillik davriga oid. 1993-yil 29-oktabrda YuNESKOning Parijdagi qarorgohida O'zbekistonni YuNESKOga a'zolikka qabul qilish marosimi bo'ldi.

To'g'ri javob: A

Manba: N.Jo'rayev, A.Zamonov.

O'zbekiston tarixi 11-sinf darsligi. G'afur G'ulom nomidagi nashriyot-matbaa ijodiy uyi. Toshkent—2018. (131-bet)

9. O'zbekiston Respublikasida ijro etuvchi hokimiyat hisoblanadigan organni toping.

- A) **Vazirlar Mahkamasi** B) *Oliy Majlis*
 C) *Oliy Sud* D) *Konstitutsiyaviy sud*

Test topshirig'i O'zbekiston tarixining mustaqillik davriga oid. Vazirlar Mahkamasi O'zbekiston Respublikasi Oliy Majlisining qonunlari, O'zbekiston Respublikasi Prezidentining farmonlari, qarorlari va farmoyishlarining bajarilishiga rahbarlikni ta'minlovchi O'zbekiston Respublikasining ijro etuvchi hokimiyat organidir.

To'g'ri javob: A

Manba: N.Jo'rayev, A.Zamonov.

O'zbekiston tarixi 11-sinf darsligi. G'afur G'ulom nomidagi nashriyot-matbaa ijodiy uyi. Toshkent—2018. (15-bet)

10. Qaysi daryo qadimda Yaksart deb atalgan?

- A) **Sirdaryo** B) *Amudaryo*
 C) *Zarafshon* D) *Qashqadaryo*

Test topshirig'i O'zbekiston tarixining qadimgi davriga oid. Qadimda Orol dengizi bo'ylarida, Sirdaryoning (qadimgi nomi Yaksart) quyi oqimida saka-tiay-taradarayya, ya'ni daryoning narigi tomonida yashovchi saklar deb atalgan qabilalar yashaganlar.

To'g'ri javob: A

Manba: A.S.Sagdullayev, V.A.Kostetskiy

Qadimgi dunyo tarixi 6-sinf darsligi. "Yangiyo'l Poligraf Servis" nashriyoti. Toshkent—2017. (77-bet)

11. XIX asrning o'rtalarida Toshkent shahrining nechta darvozasi bo'lgan?

- A) **12 ta** B) *9 ta* C) *6 ta* D) *14 ta*

Test topshirig'i O'zbekiston tarixining XIX asr ikkinchi yarmi — XX asr boshlarigacha bo'lgan davriga oid. XIX asrning ikkinchi yarmida Toshkent shahrining 12 ta, ya'ni Labzak, Taxtapul, Qorasaroy, Sag'bon, Chig'atoy, Ko'kcha, Samarqand, Kamolon, Beshyog'och, Qo'ymas, Qo'qon, Qoshg'ar darvozalari bo'lgan.

To'g'ri javob: A

Manba: S.Tillaboyev, A.Zamonov.

O'zbekiston tarixi 9-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent—2019. (23-bet)

12. Ikkinchi jahon urushi yillarida O'zbekistonning qaysi shahrida metallurgiya zavodi bunyod etilgan?

- A) **Bekobod** B) *Qo'qon* C) *Buxoro*
 D) *Navoiy*

Test topshirig'i O'zbekiston tarixining 1917-1991-yillar davriga oid. 1944-yil mart oyida Bekobod shahrida O'rta Osiyoda dastlabki zamonaviy metallurgiya kombinati — O'zbekiston metallurgiya zavodining birinchi navbati ishga tushirilgan.

To'g'ri javob: A

Manba: Q.Rajabov, A.Zamonov.

O'zbekiston tarixi 10-sinf darsligi. "G'afur G'ulom" nomidagi nashriyot-matbaa uyi. Toshkent—2017. (92-bet)

13. VI-VII asrlarda Oʻrta Osiyo aholisining asosiy qismi qaysi dinga eʼtiqod qilgan?

- A) **zardushtiylik** B) *moniylik*
C) *nasroniylik* D) *buddaviylik*

Test topshirigʻi Oʻzbekiston tarixining oʻrta asrlar davriga oid. VI-VII asrlarda Oʻrta Osiyoda zardushtiylik, buddaviylik, nasroniylik, moniylik, qam (shomoniylilik) kabi bir nechta mahalliy va boshqa oʻlkalardan kirib kelgan dinlar mavjud boʻlgan. Aholining koʻpchiligi zardushtiylik diniga eʼtiqod qilgan.

Toʻgʻri javob: A

Manba: A.Muhammadjonov. Oʻzbekiston tarixi 7-sinf darsligi. "Sharq" nashriyot-matbaa aksiyadorlik kompaniyasi bosh tahririyati. Toshkent–2017. (23-bet)

14. XIX asr boshida qaysi hukmdorning hukmronligi davrida Qoʻqon adabiy muhiti shakllangan?

- A) **Umarxon** B) *Sheralixon*
C) *Xudoyorxon* D) *Erdonabiy*

Test topshirigʻi Oʻzbekiston tarixining XVI-XIX asr oʻrtalarigacha boʻlgan davriga oid. Umarxon va uning umr yoʻldoshi, mashhur oʻzbek shoirasi Nodiraning saʼy-harakatlari natijasida XIX asr boshlarida Qoʻqon ilm-maʼrifat markaziga aylandi va bu yerda Qoʻqon adabiy muhiti shakllandi.

Toʻgʻri javob: A

Manba: U.Joʻrayev, Q.Usmonov, G.Joʻrayeva, N.Norqulov. Oʻzbekiston tarixi 8-sinf darsligi. "Oʻqituvchi" nashriyot-matbaa ijodiy uyi. Toshkent–2019. (142-bet)

15. Vazirlar Mahkamasining 1997-yildagi qarori bilan har ikki yilda bir marotaba qaysi shaharda "Sharq taronalari" xalqaro musiqa festivali oʻtkazilib kelinmoqda?

- A) **Samarqand** B) *Buxoro* C) *Xiva*
D) *Qoʻqon*

Test topshirigʻi Oʻzbekiston tarixining mustaqillik davriga oid. Vazirlar Mahkamasining 1997-yildagi qarori bilan har ikki yilda bir marotaba Samarqand shahrida "Sharq taronalari" xalqaro musiqa festivali oʻtkazila boshlandi.

Toʻgʻri javob: A

Manba: N.Joʻrayev, A.Zamonov. Oʻzbekiston tarixi 11-sinf darsligi. Gʻafur Gʻulom nomidagi nashriyot-matbaa ijodiy uyi. Toshkent–2018. (104-105-betlar)